

CRIME – 1. Jumae kien im jab komane ak komane juon men eo im ilo an jab komane ak komane ekoman bwe en wor naj kajje. 2. Aoleb kain jorren ak bod ko im juon armej ej komane ilo juon ien ak jikin.

CRIMINAL – 1. Juon armej eo im emoj lo im na ruon kin koman jorren ak bod. 2. Jabrewot wawein ko rejelet kien ko ikijien koman jorren ak bod.

CRIMINAL CASE – Juon case eo boktok in kien nae juon armej eo ennoik ruon kin juon jorren ak bod.

CRIMINAL INSANITY – 1. Wawein an juon armej ejelok an jela itok jen naminmej in komalij bwe en komane juon men ak bojrak jen an komane juon men; an juon armej jab maron in jela ta eo emon jen ta eo enana ak ta ejimwe im ta ebod.

CRIMINAL RECORD – 1. Record in oran an juon armej kar kalbuj. Juon lajrak eo im ej kolajrak aoleb ien ko juon armej ear kalbuj. 2. Form eo im juon officer ej kadedelok im kane ilo ien eo rej kalbuji juon armej.

CRIMINAL SUMMONS – Juon order ak karok eo im ej kibel juon eo emoj ennoik ruon non an jade iman court.

CROSS-CLAIM – Juon claim jen juon armej eo ej bar dri-jumae abnono ak dri-abnono ilo juon case eo elonlok jen juon dri-jumae ak dri-abnono ie nae dri-jumae abnono ak dri-abnono eo juon im jab nae ro ilo party eo juon.

CROSS –EXAMINATION – Kajitok ko non juon dri-kamol eo an party eo juon.

CUMULATIVE SENTENCES – Kajje ko ruo ak elonlok jen ruo jorren ak bod ko bwe ren jino im ettor ilokan dron im jab ilo juon wot ien.

CUSTODY – 1. Lale im bod eddoin juon men ak juon armej non etale im kejbaroke. 2. Lale im kejbarok juon ajiri ekkar non karok an court ilo case in jebel ko. Debij im kalbuji juon armej ekkar non kakien im maron ko an kien.

DAMAGES – Jaan ko court ej karok bwe ren ilok non juon armej itok jen jerwan im jatiljek ko an juon bar armej.

DECISION – Jemlok eo tobare ak koman jen juon court.

DECLARATORY JUDGMENT – Juon jemlok eo an court im ej komelelik ta kakien eo ej jerbalo tore eo case eo ej koman ak ej komeleik ta lemnak eo an court botab ilo an jab aikuij bwe en kibel armej ro.

DECREE – Juon karok an court. Juon karok eo komane eliktata ej juon eo im enaj boktok jemlok eo ededelok im kojemlok case eo.

DEFAMATION – Juon men ak melele eo im emaron kakure etan juon arnej. Libel ej men k o ak me.lele ko ilo jeje non kakure etan juon arnej. Slander ej men k o ak melele ko ilo naan jen lonin juon non kakure etan juon arnej.

DEFAULT – Likjab eo an juon arnej non koman an uwak iloan tore eo lelok non an koman an uwak.

DEFAULT JUDGMENT – Juon jemlok eo lelok non juon party eo ej likjab in jade iman court, koman an uwak non abnono eo, ak ej jab loor juon karok, elabtata karok eo non an kwalok kamol ko party eo juon ej kajitok kaki ak kotlok bwe party eo juon en kabok im koman an kamol.

DEFENDANT – 1. Ilo case in criminal ko ak ko ikijien komman jorren im bod, arnej eo emoj ennoik ruon kin jorren ak bod eo. 2. Ilo civil case eo, ej arnej eo abnono nae.

DEFENSE – 1. Melele eo jen dri-jumae abnono eo kin ta un eo ej lemnak ke ejelok bedbed in abnono eo an dri-liakelok eo ak dri-abnono eo nae kake, elabtata ej uwak eo an dri-jumae abnono eo, ak an dri-jumae abnono eo kareb ak kamol abnono eo nae.

DEFENSE ATTORNEY – Juon lawyer eo ej kenono ilo etan dri-jumae abnono eo.

DELIBERATE – 1. Kenono kake, lemnake, ak watoke ilo an juon kajion tobar juon jemlok. Juon judge ekka an komane wawein in mokta jen an kwalok jemlok eo an. 2. Ear wor wot kar lemnak in komane juon men, einwot ear wor lemnake im jela kake.

DELINQUENCY, JUVENILE – Mwil ak manit nana ko mwilin ak mantin juon eo ej ajiri wot; elabtata kain mwil ak manit ko me elane ear juon dritto emaron kar wor kajje ko none ikijier, ak kinke ej juon ajiri wot renaj lelok wot wawein katakin non ajiri none.

DEMURRER – Juon kajitok eo non jolok juon civil case itok wot jen jibikbik ko iloan abnono eo.

DEFENDANT CHILD – Juon ajiri eo ejelok jikin an jokwe ak ejerwawa bajjok itok jen un ko ejelok ruon jinen im jemen kaki, ak ruon arnej eo lale im kejbaroke ak ej bed im jokwe iben.

DEPORTATION – Wawein komakit juon arnej non bar juon lal. Juon karok jen juon judge non kadiojlok juon dri-likin jen ailon eo ej jab an. Juon eo kadiojlok emaron wor mo ko none einwot ikijien jonan yio ko ej jab maron bar rollok non lal kadiojlok jene. Bareinwot emaron wor kajje ko non elane enaj bar rollok non lale eo kadiojlok jene iloan tore eo emoj kamo an rollok iumin.

DEPOSITION – Ien eo juon ej ebbok naan in kamol im ej maron kajitokin party eo juon ak juon eo ej dri-kamol non party eo juon. Ekka wot an koman iloan office ko an lawyer ro iman mejen juon court reporter, eo im enaj jei aoleb kenono ko. Kajitok im uwak ko rej aoleb ilo naan jen loni einwot ren kar lukun bed iloan court, ilo an naj baj ilok ien an

party eo juon baj koman an kajitok. Jet ien kajitok ko remaron komani im lilok ilo jeje ak uwak ko rej komani ilo naan jen loni.

DEPRIVATION OF CUSTODY – Karok eo an court non komakit juon armej jen iumin kejbarok eo an ro jinen im jemen armej eo ak juon armej eo emoj kar komelim an bok eddoin armej eo ekkar non kien non iumin kejbarok eo an bar juon armej ak jikin. Emaron iumin jidrik wot ien ak emaron non indreo.

DEPUTY A.G. – Juon lawyer in dri-jiban ilal in attorney general eo.

DETENTION – Debiji juon armej im dror iumin kejbarok eo am; debiji juon armej non lo juon jikin ak bobrae an armej jen an maron emakit im etal jen juon jikin.

DETENTION HEARING – Ilo jikin ekajet ko an ajiri ej ien ronjake eo ekka an koman elikin an drelonlok juon kajitok non etale ia eo ak won eo emon ak ekkar non an ajiri eo bed ie ak bed iumin kejbarok eo an ilo kotan eo ej kottar alikar eo ikijien.

DIRECT EVIDENCE – Naan in kamol ko jen juon dri-kamol eo im ear lukun lo kin mejen an juon men walok ak lukun ron kin lojilnin an walok juon naan.

DIRECT EXAMINATION – Kajitok imantata non juon dri-kamol jen party eo im ear kirtok bwe en kamol non er.

DIRECTED VERDICT – Juon komlele eo jen juon judge non juon jury bwe en jeblaaktok kin jemlok eo emoj an kalikare non er.

DISBARMENT – Wawein katakin eo non juon lawyer im ej koman bwe lawyer eo en luji maron eo an non an jermal einwot juon lawyer. Eoktaklok jen luwi wot im kabojrak iumin jidrik ien.

DISCLAIM – Ba bwe kwoj jab konan bok jeramon eo lewaj non yuk ilo kalimur.

DISCOVERY – Wawein jermal eo juon ak aoleb party ko rej kwalok kamol ko aer non dron im rej lemnak in kojerbali ilo ien ekajet. Wawein jermal ko ekka aer komani non wawein in ej ebbok deposition ko, komani interrogatory ko im komani kajitok ko non party eo juon bwe en kwalok pepa ko.

DISMISS – Jolok case eo nae juon armej eo emoj kar ennoik ruon kin jorren ak bod.

DISMISSAL WITH PREJUDICE – Jolok case eo an juon armej im jab maron bar kadrelontok tokelik.

DISMISSAL WITHOUT PREJUDICE – Jolok case eo an juon armej im tokelik elane dri-abnono eo ekonon emaron bar kadrelontok.

DISORDERLY CONDUCT – Jabrewot manit ko im roloke kien im rekakure ainemon im jokane eo an armej, kakure buruon jukjukin bed eo im kakure boklokit eo an aoleb armej.

DISPOSITION – Kon ak jemlok eo eliktata. Jemlok eo an court ej komane mokta jen an dedelok ekajet eo non an maron tobar juon jemlok, ak jemlok eo an eliktata.

DISSENT – Jab erra. Ilo jemlok ko an Supreme Court eo ej lemnak ko an judge ro eiet uwaer im rej komeleleik ta ko rej jab erra kaki iben judge ro elon uwaer kaki ilo jemlok eo aer.

DISSOLUTION – Boktok jemlok eo non juon men; kojemloke. Kojemlok juon balele ak kotan ko jet.

DISTRICT ATTORNEY (ATTORNEY GENERAL) – Juon lawyer eo emoj jitone bwe en kenono ilo etan kien ilo case in koman jorren ak bod ko ilo lal eo an.

DISTURBING THE PEACE – Wawein ak manit ko rej koman kabonono non aoleb armej, ekoba koman ainikien ko rellab im kauwaronron.

DIVERSION – 1. Wawein eo rej komane im komakit jet traffic ak juvenile case ko jen aer naj kar lukun jermal im lelok kajje non er ekkar non jejjet eo bedbed wot ion jet karok ko non armej ro bed ilo jet program ko non kajimwe er ak karok non aer kolla wonen jorren ko. 2. Kojermal jaan ilo wawein ko ejelok melim noni.

DIVORCE – Kojemlok eo jen court im ej kojemlok juon balele.

DOCKET – Juon lajrak in case ko rebojak in ronjaki iman court, ak juon log eo ej kwalok jet ian melele ko emoj aer drelontok iben court.

DOCKET NUMBER – Numba eo ej ilok non kajojo case ko kadrelonilok ilo juon court. Et eo juon ej case numba.

DOMESTIC VIOLENCE – Juon jorren ak bod eo juon armej ej komane nae bar juon armej eo ej jokwe ejja ilolan wot mweo imon.

DOMICILE – Jikin eo im juon armej ej ba jikin im armej in ekkar non kien. Emaron lonlok jen juon jikin juon armej ej bed im jokwe ie ak juon wot jikin ej jikin im ej armij in.

DOUBLE JEOPARTY – Wawein eo iumin kien im ej bobrae an wor ekajete juon armej ruo allen kin ejja jorren ak bod eo wot jinoin.

DRIVING WHILE INTOXICATED (DWI) – Kattor wan ettor ak kwokadok. Ilo jet jikin rej na etan **DRIVING UNDER THE INFLUENCE (DUI)**. Ilo jet jikin **DRIVING WHILE INTOXICATED** enanalok jen **DRIVING UNDER THE INFLUENCE**.

DRUNK DRIVING – Nana an juon kattor wan ettor ko itok wot jen an kar idak dren in kadok ko non jonan eo elane renaj test e enaj walok ke jonon dren in kadok eo ilo enbwinin emoj an le jen jonan eo watoke ilo kakien ko ke emon non an juon maron kattor.

DUE PROCESS OF LAW – Jimwe ko rej ilok non kajojo armej iumin kien non lale bwe aoleb wawein jiban im kejbarok ko iumin kien ren ilok non er.

ELEMENTS OF A CRIME – Wawein ko rej komleleik im kwalok juon jorren ak bod im dri-liakelok ej aikuij in kamoli non jonan eo enaj elle jen juon un eo ekkar bwe en wor bode non an court maron lo ruon armej eo. Wawein ko rej aikuij kamoli rej 1) ke ear wor jorren ak bod en ear koman, 2) bwe armej eo ennoik ruon kaki ear wor wot an lemnak in komane jorren ak bod eo, im 3) kakobabaik wawein kein ruo ijin ilon non an maron kamol jorren ak bod eo.

EMBEZZLE – Boke ak ukot, kin konan im jen kelet eo an juon make, men ko mwien bar juon armej non am make im kojerbali non kwe make, men ko im rar jimwe aer iwoj non kwe ekkar non office eo am, jermal eo am, ak am bed ilo juon jikin eo ewor an armej like yuk ie.

EMINENT DOMAIN – Maron eo an kien non bok bwirej ko an armej non jermal ko an kien iumin wawein eo rej na etan condemnation.

EN BANC – Koba in aoleb judge ro ilo juon court im ronjake juon case. Ilo appellate court ko emaron wor jonoul-ruo im lonlok judge, ak ekka wot an jilu wot uwan juon panel an juon case. Ne rej ba aoleben court eo enaj ronjake ak bar ronjake juon case, ej melemen bwe ekoba aoleb judge ro an court eo.

ENHANCE – Kolablok aurok eo an, kakileblok.

ENJOINING – Juon karok jen court eo im ej jironlok juon armej im ba en bojrak jen an komane juon men.

ENTER A GUILTY PLEA – Naan eo an juon amej emoj kar ennoik ruon iman court im ej kamol ke ear komane jorren ak bod eo ennoik ruon kake.

ENTRAPMENT – Wawein jojomar eo im juon eo emoj ennoik ruon ej kojerbale im kwalok melele in ke dri-jejbal ro an kien eo rar kareele bwe en komane juon jorren ak bod, juon eo im elane ear ejelok kareele eban kar komane.

EQUAL PROTECTION – Wawein eo iumin kien im na wawein an jokkin wot juon an kien ko jermal non aoleb armej.

EQUITABLE ACTION – Juon kajitok eo non court non bobrae an walok jet jorren ko ewor ekkel kaki ke juon emaron komani; bobrae an juon koman men ko rej jab ekkar non kien.

EQUITY –

ESCHEAT – Wawein jermal eo ej na wawein an men ko mwein juon dri-mij maron ilok non kien eo elane ear ejelok an armej eo kalimur.

ESCROW – Jaan ak juon pepa eo einwot deed eo im kin erra eo jen aoleb party ko ej ilok non bar juon armej ijellokierro non an lale im kejbaroke mae ien enaj dedelok an aoleb loor aoleb kon im karok ko ikotaer non dron.

ESTATE – Men ko mwein juon armej eo emij ekoba wan ettor ko, mweik ko iloan kar mweo imon im mweiuk ko jet, bwirej im em ko kar an, im ko jet einwot stock certificate im bank account ko, im rar bed iumin ettan armej eo ilo tore eo ej jako. Men kein rej jab koba tobrak ko jen life insurance ko (ijjelokin wot elane emoj an kar armej eo kalikar ke renaj bar koba ilo estate eo an) im men ko jet im rele ilikin estate eo einwot ko ear mwein iben bar jet.

ESTOPPEL – Wawein eo ej bobrae an juon armej tokelik maron wonmantak kin bar jet melele elikin an kar komane jet wawein ko im make kamol jet men ko moktalok.

EVICTION – Win bwirej ak kein jata ko jen elikin ekajet kaki.

EVIDENCE – Melele ko jakimantak ilo naan in kamol k oak pepa ko non kareel armej eo ej ronjake abnono eo (judge ak jury) non an komane jemlok eo nae ak non juon party.

CIRCUMSTANTIAL EVIDENCE – Melele ko maron tobari jen men ko emoj kamoli.

EVIDENCE, DIRECT – Kamol ko jen dri-kamol ro, ro im rar lukun lo, ron, ak unir men eo kenono kake.

EVIDENCE, EVANESCENT – Kamol ko emokaj aer jakolok, einwot jonan alcohol eo ilo botoktokin juon armej.

EXAMINATION, DIRECT – Ien kajitok eo iman tata non juon dri-kamol jen lawyer eo ear kirtok dri-kamol eo bwe en kamol.

EXAMINATION, RECROSS – Ien kajitok eo kein karuo non juon dri-kamol jen lawyer eo an party eo juon im ej komani elikin wot an dedelok ien kajitok eo karuo an lawyer eo im ear kirtok dri-kamol eo.

EXAMINATION, REDIRECT – Ien kajitok eo kein karuo non juon dri-kamol jen lawyer eo ear kirtok dri-kamol eo. Ien kajitok jab in elab wot kenono ak kajitok kin melele ko lawyer eo an party eo juon ear kajitokin ilo ien eo imantata im ear kajitokin dri-kamol eo.

EXCEPTIONS – Naan ak melele eo jen juon ian party ko ilo juon civil ak criminal case im ej kwalok ke ej kejarok wot jimwe eo an non naj appeal i alikar ak uwak eo an judge eo non kar kajitok eo.

EXCLUSION OF WITNESSES – Juon karok an court non kadioj aoleb dri-kamol ro, ijellokin wot dri-abnono eo im dri-jumae abnono eo, jen loan courtroom eo mae ien naj kir er non aer kamol. Ej ilok karok non dri-kamol ro bwe ren jab kenono iben dron kin kamol ko aer im maron wor ruweir kin jab loor karok an court elane rejamin bokake.

EXCLUSIONARY RULE – Rule eo im ej bobrae aer kojarbal jabrewot kamol ko ear jab jimwe im jejjet aer boki.

EXCLUSIVE JURISDICTION – Abnono eo emaron delonlok ilo wot juon court.

EXCULPATORY EVIDENCE – Kamol ko rej iton kwalok ke dri-jumae abnono eo ear jab komane jorren ak bode o ennoik ruon kake.

EXECUTE – Non komani aoleb wawein ko iumin kien im rej menin aikuij (einwot jain iman mejen dri-kamol ro) non an maron emon juon kalimur im wor kitien. Bareinwot, non execute i juon jemlok ak decree ej melelen koman bwe en jino jermal jemlok eo an court ion ro tellokier.

EXECUTOR – Juon armej emoj kar jitone ilo juon kalimur bwe en lale im bok eddoin men ko mwein juon eo emoj an mij.

EXHIBIT – Juon pepa ak men ko jet emoj kar jakemantak einwot kein kamol ilo ien ekajet eo.

EXHIBIT, PEOPLE'S – Kein kamol im/ak kamol ko dri-liakelok ej jakimantak.

EXONERATE – Korolok jen ruon, eddo ijo kunan juon.

EXPERT TESTIMONY – Naan in kamol ko ikijien science, technic ak profession jen juon eo etijemlok, wanjonok, juon eo ekkar im emaron kenono kake bedbed wot ion an kar katak kake, jela wawein, ak wor an iminene kake men eo ej kenono kake.

EXPUNGEMENT – Jeerlok record ko an juon armej ak jidrik in record ko an.

EXTENUATING CIRCUMSTANCES – Wawein ko rej koman bwe en driklok an leej im nana juon men jen jonan eo enaj kar bed ie.

EXTORTION – Wawein an juon armej bok men ko mwein bar juon armej itok wot jen an lukun kojarbal kajur ak kojarbal kamijak, an lej ak wor mijake.

EXTRADITION – Wawein jermal eo im juon lal ej kotlok non bar juon lal juon armej eo emoj kar lo ruon ilo lal eo juon.

EYE WITNESS – Juon arnej eo ear lo jermal eo, men eo, ak wawein eo ej kamol kake.

FAILURE TO APPEAR – Likjab in jade iman court elikin an kar ilok pepa in kir none.

FAILURE TO COMPLY – Likjab in loor juon karok eo emoj an kar court komane.

FAIR HEARING – Juon ien ronjake eo im ewor kautiej jimwe ko an arnej ie non jakemantak aer kamol, non baj komani kajitok ko aer im non kwalok jet alikar ko ewor kamol ko non rie im jibanlok.

FALSE ARREST – Bok jen juon arnej jimwe im maron eo an non anemkwoj in ito-itak im makitkit ilo wawein ko rej jab jejjet ekkar non kien, mekarta ne ej police officer ak jab arnej eo ej debiji.

FALSE IMPRISONMENT – Debij im kalbuji juon bar arnej ilo wawein ko rej jab jejjet ekkar non kien.

FALSE PRETENSES – Kwalok jet melele ko rej jab mol im rej walok non mone im kabwebweik bar juon arnej im buki jaan ak men ko mweien.

FELONY – Juon jorren ak bod eo elab im nana lok jen jorren ko jet rej jab kanuij ellab im kajje eo none ekka an bed ilo jikin kalbuj aitoklok jen juon yio im bakkin drettan ko ebwe aer ellab.

FELONY MURDER – Juon uror eo ej koman ilo tore juon ej komane bar juon jorren ak bode lab einwot koot, rubrub em im drelone, ak ebbok arnej im debij er ilo juon jikin.

FIDUCIARY – Juon armej eo ewor kackadin non bar juon armej ekkar non kien eo im ewor like, eo im ewor an eddo non moktata im ilontata jermal non emon im itoklimo eo an armej eo juon.

FILE – Lelok juon pepa non iumin kejbarok eo an juon clerk of court non an kadrelone ilo file eo an juon case.

FIND GUILTY – Non juon judge ak jury non kwalok alikar eo elane ewor ak ejelok ruon juon dri-jumae abnono.

FINDING – Jemlok ak alikar eo jen juon judge ak jury elikin an ronjake aoleb melele otemjej.

FINE – Non kajje juon armej eo emoj lo ruon kin juon jorren ak bod bwe en kolla juon drettan eo ilo jaan.

FINGERPRINT – Maalkon ak jenkwon lain ko lobdren pein juon armej kojembali einwot wawein kakilen ak jela won ilo case in criminal ko.

FIREARM – Juon kein kakure eo edeboklok kin kein kadeboklok ko einwot rifle, shotgun ak revolver ko.

FIRST APPEARANCE – Jade eo imantata ak jinoin tata an juon armej eo emoj kalbuji iman juon judge non an kalikar elane ewor un ko non tomak ke ekkar bwe en kalbuj. Ekka wot an itok armej eo iman juon judge jet wot awa elikin jibwe im kalbuji, im rej kojelaik kin jorren ak bod eo ennoik ruon kake im jimwe ko an non kajitok kin juon ien preliminary hearing, non juon an lawyer, im non an kolla jortoklik ko non an maron jab bed iloan kalbuj. Ilo ien in ej jab aikuij kwalok elane ej ba ebod ak jab kin jorren ak bod eo ennoik ruon kake.

FORECLOSURE – Wawein jermal eo im ej na wawein an juon maron wia kake men ko kar wiaiki kin jaan ko muri ki bedbed wot ion men eo jortoklik kake non kollaik jaan ko dri-muri eo ear buki ikijien jortoklik eo.

FORFEIT – Non luji, luji maron ak jimwe eo an juon armej non juon men.

FORFEITURE – Luj jaan ak men ko mwein juon itok wot jen likjab in komani eddo ko an juon ak bod in kojermal jaan ak mweiuk ko.

FORGERY – Wawein an juon armej je juon jeje im ba bwe jeje eo ej lukun an bar juon armej.

FOUNDATION – Ilo ekajet ko, juon foundation ej aikuij mokta moj ejaake einwot bedbed eo bedbedin an juon men maron drelontok einwot kein kamol. Non waanjonok, juon dri-kamol eo rej ba ej tijemlok, mokta jen an court kadrelon naan in kamol ko an

einwot kein kamol ej aikuij mokta alikar ke armej eo elukun jela im melele kin men eo ej kamol ikijien.

FRAUD – Riab ko juon ej kwaloki ilo an wor an jela ke rej jab mol ak ej kwaloki non an mune bar juon armej non an bok men ko mwein armej eo ak non an koman jorren non armej eo.

GAMBLING – Edod jaan ak bet im ba ke juon men enaj ak eban eindreio.

GARNISH – Bok im debij jaan ko an juon armej eo ewor an muri im lilok non armej eo emuri iben non kebellok muri ko an iben armej eo.

GARNISHMENT – Juon ien ronjake eo im jaan ko an juon armej eo ewor an muri, im rej bed iumin kejbarok eo an bar juon, rej kwalok ke jaan ko an dri-muri eo drenaj jermal non kebellok muri ko an.

GENERAL JURISDICTION – Menin ej kenono kin court ko im ejelok jonan maron ko aer non ronjake kain criminal im civil case ko.

GOOD CAUSE – Juon un eo ekkar, juon eo jemaron ba kin menin ewor unin ak ekkar bwe juon armej en kar komane men eo ear komane.

GOOD FAITH – Juon tomak eo emol, ejelok kar lemnak in kakure, im ejelok lemnak in mune bar juon armej.

GRAND THEFT – Wawein boke im ilok kake juon men eo mweien bar juon armej im aurokin elablok jen jonan eo emoj kalikar ilo kakien kin lemnak eo non boke jen armej eo an men eo non indreo.

GRANTOR OR SETTLOR – Juon armej eo ej ejaake ak komane juon trust.

GROUNDS - Juon bedbed; melele ko bedbed ioer.

GUARDIAN – Juon armej eo jitone ilo kalimur ak ijiton in kien bwe en lale im bok eddoin dritto ro rej jab maron make lale er make ak ajiri jidrik ro. Ne emij jinen ak jemen juon ajiri, armej eo enaj lale im bok eddoin ej eo jinen ak jemen im ej mour wot. Ne aoleben jinen im jemen im mij , enaj bolen armej eo nukun ebaake tata ilo nukun ko an.

GUARDIANSHIP – Maron eo lelok non juon armej iumin kien bwe en bod eddoin naajidik, kajokweik, kataktoik, im bar aikuij ko jet an juon eo emoj watoke bwe ej jab maron make komani men kein non e make, ekka wot kenono kin juon eo elukun lab an dritto ak ajiri jiddik.

GUILTY – Ej wor ruon kin kar komane juon manit nana, jorren ak bod, ak bar wawein ko jet renana; jab ejelok ruon.

HANDCUFFS – Chain ak jakol ko kolaaki ilo pein dri-kalbij ro non debij wot er.

HARASSMENT – Naan, kilton, ak koman ko renaj kabnono, ak kamjak juon armej ak ba naan ko renana non bar juon armej.

HARMLESS ERROR – Juon bod eo komane ilo ien ekajet im emoj kajimwe ak ar jab kanuij lab non an naj jelet jemlok eo im kin menin ej jab juon eo enaj maron koman jorren ko im aikuuj naj kenanaiki ilo court eo an appeal.

HEARING – Juon ien ronjake eo enanin einlok wot ekajet, eo ejelok jury ie, im ekka wot an jab aitok.

HEARING, CONTESTED – Juon ien ronjake eo komane non kenono kin melele ko party ko rej jab maron erra iben dron kaki.

HEARING, PRELIMINARY – Ien ronjake eo komane non juon armej eo emoj ennoik ruon kin juon jorren ak bod, iman mejen juon judge, non kalikar elane ebwe kamol ko non kalbuji wot armej eo ak non karok juon drettan eo einwot jortoklik non an maron drioj jen kalbij.

HEARSAY – Naan ko an juon dri-kamol eo ear jab loe ak ron men eo ej kamol ikijien ak ron kake jen bar juon armej.

HIT AND RUN – Jorren ak bod eo juon dri-kattor wan ettor ko ej etal jen ijo ear walok jorren eo ie ilo an jab mokta kwalok won ie.

HOLDING CELL – Juon jikin eo rej likit juon armej eo emoj ennoik ruon kin jorren ak bod ilo ien eo ej kottar an ekajet eo an jino ak wonmanlok wot.

HOLOGRAPHIC WILL – Juon kalimur eo dri-kalimur eo ej make jeje kin pein kenono ko ie, ran eo ie, im jain eo an iloan.

HOMICIDE – An juon armej bok mour eo an bar juon armej ilo wawein ko rej jab jejjet ekkar non kien.

HOSTILE WITNESS – Juon dri-kamol eo im naan in kamol ko an rej jab non emon ak jiban party eo ear kirtok bwe en kamol. Juon dri-kamol rot in emaron etal kajitok ko none im rej kalikarlok naj ta uwak ko im party eo im ear jab kirtok emaron bar kajitokini.

HUNG JURY – Juon jury eo im ro uwan rej jab maron erra iben dron kin juon wot kain jemlok.

HYPOTHETICAL QUESTION – Juon kajitok eo ej bedbed ion juon anton ak waanjonok, im kajitok wot kin jet melele ko emoj an dedelok aer dreton einwot kein kamol, ko im rej kotlok an juon dri-kamol eo etijemlok kwalok an lemnak ikijien ekkar non waanjonok eo.

ILLEGAL – Jumaee, ak ej jab melim iumin kien; ej jab ekkar iumin kien.

IMMUNITY – Kalimur eo jen court non juon armej bwe armej eo bwe ejamin wor liakelok oktan an naj kwalok jet naan in kamol ko ilo juon case in criminal.

IMPANEL – Kajijet juon jury. Ne ededelok komani kajitok ko im moj an kajojo lawyer ro kojerbal jimwe ko aer non kajijetlok jabrewot eo rekonan, rej kwalok won ro uwan jury eo.

IMPEACHMENT OF WITNESS – Kajitokin maron in kenono mol eo an juon dri-kamol.

IMPLIED CONTRACT – Juon contract eo im armej eo ej kalimur kake juon men ej jab lukun kwalok ilo naan botab juon emaron antonelok bedbed wot ion koman ko an.

INADMISSIBLE – Juon men eo im, ekkar non rule ko ikijien kadrelontok kein kamol, ej jab maron drelontok einwot kein kamol ilo juon ekajet ak ien ronjake.

INCAPACITY – Ejelok an juon kajur ak maron iumin kien non komane juon men.

INCEST – Lajikmeer ak tabe ikotan ruo armej ro jonan aerro ebaake dron ilo nukwi erro ej jab maron baleek ak marry ik dron.

INCOMPETENCY – Likjab ak jab in kolmenlokjen eo iben juon armej im ej bobrae an meel kin jekjekin im unin kenono eo ilo juon ien ronjake, kenono iben lawyer eo an, im jiban ilo kebooj jojomar eo an make.

INCRIMINATE – Kalikar ke juon armej ewor ruon kin juon jorren ak bod.

INDEMNIFY – Naan in ej kenono kin kain armej rot eo im rej komakit bod eo jene ikijien jet jorren ko rej walok non bar juon armej mene e ej armej eo im ej lukun tellokin bod eddoin jorren eo.

INDEPENDENT EXECUTOR – Juon executor eo (lale melele eo an executor) ejenelok, eo im ej komani jermal im eddo ko an juon executor ilo an ejelok an court lok iben ilo wawein an komani.

INDIGENT – Aikuij im jeramol. Juon dri-jumae abnono eo im emaron kamol non court ke e-aikuij im jeramol court emaron jiton juon an lawyer eo ej jab aikuij kolla wonen.

INFORMANT – Juon armej eo im rej jab kwalok won ie im ej kwalok jet melele ko ilo itino non policeman ro kin juon jorren ak bod eo ear walok, eo im ekka aer ukotlok kin juon menin kojeramone ne ej jab ekwe jet koman ko remmon rejenelok non.

INFORMATION – Juon pepa eo dri-liakelok ej kadrelontok non kwalok im komeleleik jorren ak bod ko ennoik ruon juon dri-jumae abnono kaki. Ej bar jermal non an kirtok juon dri-jumae abnono non ekajet.

INFRACTION – Juon jorren ak bod rot eo ejelok kajje kin kalbuj nae. Jorren ak bod jidrik ko ikijien kien kattor wa ko ekka wot ad watoki bwe rej jorren ak bod rot in.

INITIAL APPEARANCE – Ilo case in criminal menin ej kenono kin ien ronjake eo imantata im juon judge ej kwalok alikar eo elane ebwe ak jab kamol ko nae juon armej eo emoj ennoik ruon kin juon jorren ak bod non an wonmanlok wot non ekajet.

INJUNCTION – Juon karok jen court eo im ej kammoik an juon armej ak droulul komane juon men.

INMATE – Juon dri-kalbuj eo ej bed iloan juon jikin ak imon kalbuj.

INNOCENT UNTIL PROVEN GUILTY – Tomak eo iumin kakien eo im ej ba bwe jabrewot armej eo ennoik ruon kin juon jorren ak bod naj aikuij watoke ke ejelok ruon mae ien kamol ko renaj jolok bode jen lemnak eo an court ak jury eo ke armej eo ennoik ruon ear ak ear jab komane jorren ak bod eo.

INSANITY PLEA – Juon melele eo jen juon dri-jumae abnono ke ear ejelok jonan jela kolmenlokjen ak lemnak eo aikuiji iumin kakein ko non maron na ruon kin juon jorren ak bod.

INSTRUCTIONS – Naan in komelele ko an juon judge non juon jury mokta jen an jury eo jino jerbali kajitok ej aikuij uwaki kab kakien ko rej jermal non case eo.

INTANGIBLE ASSETS – Men ko im kwoj jab maron loi kin mejem einwot stock certificate ko, bond ko, bank account ko, im jeramon ko ikijien pension ko im ewor aurokier im ej aikuij wor watoki ilo kenono ko kin men ko mwein juon armej eo emoj an mij.

INTENT – Lemnak eo non komane juon men bwe en tobrak juon men juon armej ej kotobare.

INTERLOCUTORY – Karok ikijien juon wot men. Ej jab jemlok eo non juon case. Juon interlocutory order ak interlocutory appeal enaj jermal wot non kenono eo boklontak ilo tore eo im jab non aoleb kenono ko iloan case eo.

INTERROGATORIES – Kajitok ko ilo jeje im rej itok jen juon ian party ko ilo juon case ko im party eo juon ej aikuij komane an uwak noni ilo bar jeje.

INTERVENTION – Juon komakit eo jen bar juon armej eo ijellokin armej ro ilo case eo, eo im jemlok eo an case eo emaron bar jelete, eo im ej komane non an court komelim an drelontok ilo case eo einwot bar juon party. E-oktaklok jen wawein eo im ej koman bwe juon armej en men eo rej na etan amicus curiae.

INTESTATE – Mij ak armej eo ear jab koman an kalimur.

INVESTIGATION – Kilen kajitok ak etale eo ejejjet iumin kien non tobar im ain melele ko ikijien juon men.

IRRELEVANT – Kamol ko im rej jab ekkar ak ejelok lok aer ilo men eo kenono kake.

ISSUE – 1) Juon men eo party ko ilo juon case rej jab erra iben dron kake. 2) Non kadiojlok juon men, einwot juon karok an court.

JAIL – Juon jikin kalbuj armej eo ebed ikotan police station im imon kalbuj.

JEOPARDY – Jekjek ak tore eo enana juon armej eo emoj lukun ennoik ruon iman juon court kin juon jorren ak bod ej bed ie. Elikin tore ne juon eo ennoik ruon emaron rolok im ekajet ilo juon ien tokelik kin ejja jorren ak bod eo wot ennoik ruon kake.

JOIN – Kobaiki, drelone juon juon men.

JOINT AND SEVERAL LIABILITY – Tomak eo ilo wawein kien im ej na wawein bwe juon ian party ko im ro rej jimor eddoin juon men en naj aikuij kollaik wonen jorren ko elane party ko jet rej jab maron kolla.

JOINT TENANCY – Wawein eo iumin kien im ej na wawein an ruo armej maron aerro jimor juon men. Ilo ien eo ej mij armej eo juon inem armej eo ej mour wot enaj oktak im an wot men eo.

JOINT VENTURE – Kobain ruo ak lonlok armej im komane juon jermal eo rej jimor bok aer jeramon jene.

JOYRIDING – Bok juon wan ettor ilo bod ilo an ejelok an armej eo ej boke wa eo lemnak in bok wa eo non indreo jen armej eo wan wa eo, ekka wot an walok jatiljek in ettor ilo kain wawein in.

JUDGE – Juon dri-jermal eo emoj komarone kin kelet ak ijiton non an ronjake im koman jemlok non case ko ilo court ko.

JUDGMENT – Alikar eo eliktata jen court im ej boktok jemlok eo non juon abnono; juon lemnak.

JUDICIAL NOTICE – Kile eo an court kin mol eo an juon men ilo an ejelok kejn kamole.

JUDICIAL REVIEW – Maron eo an court non etale jermal ko an jikin jermal ko jet an kien. Bareinwot, maron eo non kalikar ke jermal ko an jet bar ra ko an kien rej idabtok iben jemen-e eo.

JURISDICTION – 1. Maron eo an court iumin kien non ronjake im koman jemlok non juon case. 2. Jikin ak lal eo juon court ewor an maron ie.

JURISPRUDENCE – Ekatak eo kin kakien ko im wawein an kakien ko jermal.

JUROR – Juon eo ej uwan juon jury.

JUROR, ALTERNATE – Juon eo uwan jury eo rej kalonlok non maanjab-bobo elane juon ian ro ilo jury enaj naninmej ak jab maron jijet.

JURY - Joun doulul in arnej ro kelet er non jidrik wot ien jen lublej in arnej ro ilo juon jukjukin bed im rej kalimur non mol in komane jermal eo non ronjake kamol ko ilo juon ien ekajet im kwalok alikar eo elane ewor ak ejelok ruon juon arnej bedbed wot ion kamol ko.

JURY BOX – Jikin eo emoj kejenolok iloan courtroom eo non an jury eo bed ilo ien ekajet eo.

JURY FOREMAN – Arnej eo uwan jury eo ej jeban ak tel kenono ko ilo ien eo jury eo ej jerbale jemlok eo an im ej arnej eo ej kenono ilo etan jury eo iman court non kwalok ta jemlok eo an jury eo.

JURY TRIAL – Juon ekajet eo jury men eo ej kwalok ta jemlok eo im einjuon jen ekajet ko me judge men eo ej komane jemlok eo.

JURY, HUNG – Juon eo uwan jury eo me ej jab maron erra iben lemnak eo an ro mottan ilo jury eo elikin aer kenono iben dron kake iumin juon tore eo.

JUSTICIABLE - Unin kenono im melele ko remmon ak rekkar bwe en wor kenono kaki iman court.

JUVENILE – Juon eo ej drik wot yio eo an im ejjanin tobar drettan juon emaron watoke ak jermal none einwot juon dritto.

KIDNAPPING – Boke im debij juon arnej ilo an ejelok an arnej eo konan ak wor melim jene im ilo an ejelok an juon maron in komane wawein eo iumin kien.

KNOWINGLY – Wor an juon jela kake ta eo ej komane, komane jen konan im kelet eo an make im wor wot an kar lemnak in komane juon wawein eo ej jurake juon jorren ak bod.

LARCENY – Anemkwoj im bok juon men ak koote.

LAW – Kakobaba in kien ko ak wawein koman ko emoj an ra eo ej lolorjake im bod eddoin ejaaki bwe ren kien, ko im rar buk jen jemlok ko an kien ak jen iminene im wawein mour ko an arnej.

LAW CLERKS – Arnej ro emoj aer bok katak ikijien kakien im rej jiban judge ro ilo aer komani etale ko aer non aer koman aer jemlok.

LAWSUIT – Juon abnono eo ikotan ruo ak lonlok jen ruo armej im emoj kadrelonlok iman jikin ekajet.

LAY PERSON – Juon eo ear jab bok katak ikijien kakien.

LEADING QUESTION – Juon kajitok eo im einwot ej iton kwalok naj ta uwak eo an dri-kamol eo im komanlok an dri-kamol eo naan bwe en elij men ko dri-kajitok eo ej ba. Juon kajitok eo ej kalikarlok ta uwak eo dri-kajitok ekonon non kajitok eo an.

LEASE – Juon bujen kon eo ej na wawein an juon armej eo ewor juon mwein juon men lelok non bar juon armej non an boke, kojobale ak amane iumin juon kotan eo kalikare kin juon drettan eo emoj erra kake (wonen jata).

LEGAL AID – Juon jikin jermal eo ej bellok non an jiban jabrewot armej ak drouluk ko im rej jab maron make kolla wonen juon eo emaron jiban er.

LENIENCY – Kabilek eo non komdaiklok kajje eo an juon armej jen jonon eo en kar lukun ilok none.

LESSER INCLUDED OFFENSE – Juon jorren ak bod eo ekitbuj, ej jab aoleben, ak jet ian wawein ko im rej ejaake im jurake juon jorren ak bod eo elablok jene; ne juon ej komane jorren eo elablok ej melemen bwe armej eo ej bar komane jorren ak bod eo edriklok.

LETTERS OF ADMINISTRATION – Juon pepa eo ej ilok jen court im ej kwalok ak kalikar juon armej bwe ej e eo emoj an court komarone non an lale im bok eddoin men ko mweien juon armej eo emij.

LETTERS TESTAMENTARY – Juon pepa eo ej ilok jen court im ej kwalok ak kalikar juon armej bwe ej e eo emoj an kar alikar ilo kalimur bwe en wor an maron in ain men ko ilo etan juon armej eo emoj an mij.

LEVY – Juon ebbok; ebbok jaan ko ilo jekjek ko rekkar iumin kien ilo wawein aer bok men ko im wia kaki.

LEWD CONDUCT – Manit ak koman ko rejekkar, retebil, relon ak retton ak kajjojo.

LIABILITY – Muri ak eddo ko an juon im rejimwe im ekkar iumin kien.

LIBEL – Kwalok naan ko ilo jeje ak bija ko non riab im konanaik ak kakure etan bar juon armej.

LIEN – Wawein eo ej na wawein an wor an juon armej maron im jimwe ion juon men eo mweien bar juon armej eo im ear wiaiki kin jaan ko muriki jen armej eo ej wor an maron im jimwe ion. Ej jab melemen bwe ne juon armej ej kabijor lien eo ion juon men eo mweien bar juon armej ej oktak im e eo ej mweien men eo, men eo dre eo ej lien eo ej

komane ej komaron armej eo muri iben bwe en wor an naj maron in wiakake men eo im kollaik muri eo an armej eo jen tobrak eo an wia kake eo an men eo.

LIMITED JURISDICTION – Menin ej kenono kin kain court rot ko maron ko aer non ronjake rej bojtrak wot ilo jet kain criminal im civil case ko.

LINEUP – Wawein kakilen armej eo im policeman ro rej kolain jet armej ro, ekoba armej eo lemnak nanaiki, iman armej eo ear walok jorren ak bod eo nae non an armej eo kakilene im kwalok ke armej eo lemnak nanaiki ej lukun armej eo eo ear komane jorren ak bod eo.

LITIGANT – Juon party ilo juon case.

LITIGATION – Juon case ak abnono.

LOITERING – Bed bajok ilo juon jikin, elabtata ilo juon kain jikin ko me jikin aoleb armej ak aoleb armej remaron bed ie.

LYNCHING – Bok mour eo an bar juon armej kin lukoj buruon im totoiki ilo ejelok melim ak maron in komane wawein in.

MAGISTRATE – Juon dri-jerbal in bar ekajet eo im ewor an maron in komani jet ian jermal ak eddo ko an juon judge. Jet ien menin emaron bar kenono kin juon judge.

MALFEASANCE – Juon jermal eo enana, ak manit nana; komane juon men eo im emoj lukun kamo iumin kien.

MALICE – Mejetatoto in drike, matortore, ak kejrata eo nae bar juon armej, eo im emaron koman bwe juon en wor an lemnak in kio koman juon jorren ak bod eo nae armej eo ilo ejelok juon un eo ekkar im jimwe iumin kien non an kar komane jorren ak bod eo.

MALICIOUS MISCHIEF – Wawein kakure men ko mweien bar juon armej jen konan im kelet eo an juon armej make itok an juon drike im matortore armej eo mweien men eo kakure.

MALICIOUS PROSECUTION - Juon case eo bokmantak nae juon bar armej eo ilo an ejelok lukun juon un eo ejimwe im ekkar, eo im jemlok eo an e-oktak im jiban im non emon eo an armej eo kar liakelok.

MALPRACTICE – Jerbal ilo jab jimwe an juon loor eddo an ekkar non jermal eo an non lukun tiljek im mol an komane jermal eo an ilo ejelok lemnak in mon im riab. Naan in ekka wot an jermal non takto ro, lawyer ro, im accountant ro.

MANDATE - Juon order ak karok eo jen court ak juon judge, eo im ej kabbe juon eo tellokin non an wor loor ak koman ekkar non ta eo juon jemlok, kajje, ak karok ej ba.

MANSLAUGHTER, INVOLUNTARY – Bok mour eo an bar juon armej ilo wawein ko rej jab ekkar im jejjet iumin kien, ilo ejelok kar drike, matortore ak kejrake, ilo ien eo ej jako armej eo itok wot jen an armej eo juon komane juon bar jorren ak bod eo im ejelok an kotmane ke enaj kar walok jorren ko rellab non armej eo juon.

MANSLAUGHTER, VOLUNTARY – Bok mour eo an bar juon armej ilo wawein ko rej jab ekkar im jejjet iumin kien, ilo ejelok kar drike, matortore ak kejrake, ilo ien eo armej eo juon ej komane jorren eo ilo tore eo ewor jet enjaake ko rekajur iben im koman an jidimkij.

MASTER – Juon lawyer eo ijiton in juon judge non an koman ien ronjake ko non an bok melele im jen melele ko enaj tobari komane im kwalok juon an lemnak, ta wawein ko emoj an tobare ikijien an kien ko jermal, im kwalok juon an kin ta jemlok eo ej lemnak ke ekkar.

MATERIAL EVIDENCE – Jonan kamol ko im rej iton kareel lemnak eo an armej ak judge eo ej etali melele ko bedbed wot ion an watok ke kamol eo ekkar non unin kenono eo iman judge eo.

MATERIAL WITNESS – Ilo case in criminal ko, juon dri-kamol eo im naan in kamol ko an relukun aurok non juon wot ian party eo an liakelok ak jojomar.

MAYHEM – Jermal ak koman nana eo an juon armej im ej koman bwe juon armej en jab maron komane juon men ak ej ukot kar jekjek in kar nename eo an juon.

MEDIATION – Wawein jermal eo juon im rej bar komane non bukot mejlan juon abnono ilo aer lelok abnono eo non bar juon armej eo ejelok lok an ilo abnono eo, eo im enaj maron jiban party ko tobar juon ainemon ak kon.

MEMORIALIZED – Komane im dror juon men ilo jeje.

MENTAL HEALTH – Ejmour ak utame eo an komalij ak kolmenlokjen eo an juon armej.

MERITS – Lukun jimwe ko an party ko; juon jemlok eo ej bedbed wot “ion merit ko ak lukun jimwe ko an party ko” ej juon eo im ej tobar jimwe eo(ko) an juon party, eo im e-oktaklok jen jemlok eo an juon case eo ear jab koman ekkar non jimwe eo(ko) kenono kaki ilo case; non wanjonok, kadrelon men eo na etan, *nolle prosequi* (Note: look up the meaning), mokta jen an jino juon ekajet ilo juon criminal case ej juon jemlok kar komane ilo an jab bedbed ion merit ak lukun jimwe ko an party ko, im kotlok an naj maron wor ekajet men ko ruon armej eo ilo juon ien tokelik ilo aer jab komane men eo rej na etan double jeopardy ak ekajete juon jorren ak bod ruo alen. Ejja bareinwot, jolok juon civil case bedbed ion juon likjab ak rolok in jermal, einwot bod ak likjab in koman kojela ko, ejamin juon wawein eo im enaj koman bwe en wor men eo rej nae etan *res judicata* ak ba bwe emoj an kar dedelok an ekajet im wor jemlok in juon men.

MIRANDA RIGHTS – Menin aikuij eo non juon policeman non an kwalok jimwe ko an juon armej eo emoj an jibwe im kalbuj mokta jen an kajitok kajitok ko iben. Elabtata, jimwe eo non jab kenono im kwalok jabrewot melele; bwe jabrewot melele eo armej eo enaj kwalok emaron jermal nae; jimwe eo an non an wor juon an lawyer; im bwe elane armej eo ej jab maron make kolla wonen juon an lawyer, inem renaj jiton juon lawyer non an jibane elane ej konan eo an in.

MISDEMEANOR – Juon jorren ak bod eo edriklok jen juon jorren eo elukun lablok nae etan felony im ekka an ilok kajje nae ikijien bakkin ak kalbuj jidrik wot ien.

MISTRIAL – Juon ekajet eo enana ak jorren itok wot jen bod in jermal ko rej jab loor kakien ko. Elane juon judge enaj ba bwe enana ak jorren juon ekajet, inem ekajet eo enaj aikuij bar jino jen jinoin, ekoba bar kelet juon jury kaal.

MITIGATING CIRCUMSTANCES – Wawein ko me rej jab kwalok ke ear wor juon un eo ear ekkar bwe juon armej en kar komane juon jorren ak bod, botab maron watoki bwe rej jet ko ekkar bwe ren kadriklok ruon amrej kaki.

MITIGATING FACTORS – Melele ko me rej jab kwalok juon un eo ekkar non an kar juon armej komane juon jorren ak bod botab maron watoki bwe rej jet ko ekkar bwe ren kadriklok ruon amrej eo kaki.

MODIFICATION – Juon oktak, ukok, ak kakobaba eo im ej kobaiktok bar jet melele ko rekaal non juraake juon jorren ak bod, ak jolok jet melele, botab ejamin lukun ukot im jolok melele ko raurok ak unin abnono eo.

MOOT – Juon case ak melele eo ejelok unin kenono kake non an court komane jemlok eo an kin wot an janin kijor in wanlontak ak ekkar kenono kake ak dedelok an kar moj kenono kake im wor alikarin moktalok. Menin ekka wot an kenono kein wawein eo court ej makoko in jerbale juon men kinke emoj an kar dedelok jerbale moktalok im kio koman bwe en ejelok unin an court eo naj lemnak kake ilo tore eo ej komane jemlok eo an.

MOTION – Juon kajitok eo ej itok ilo jeje ak naan jen juon party eo ilo juon case mokta jen, ilo tore eo ej, ak elikin juon ekajet non kajitoklok iben judge eo bwe en kwalok juon an alikar ak karok eo enaj jiban ak kotobrak kajitok eo an party eo ej komane kajitok eo.

MOTION DENIED – Alikar ak karok eo an judge eo em ej kwalok ke ej jab kotlok kajitok eo kajitok kake.

MOTION GRANTED – Alikar ak karok eo an judge eo im ej kwalok ke ej kotlok kajitok eo kajitok kake.

MULTIPLICITY OF ACTIONS – Koman elonlok jen juon wawein ko non kajitok ekajete juon wot abnono.